

## **Digo - Maroho Viha Maandiko - SW Intro Scriptures**

**Luka 17:5 Hara mitume achimuamba Jesu, "Hutiye imani zaidi."**

**ARumi 10:17 Phahi atu andaamini achisikira habari za Jesu Muokoli, nao andasikira tu ichikala zindatangazwa.**

**Luka 11:1 Siku mwenga, Jesu ka a phahali anavoya Mlungu. Aripomala, mwanafundziwe mmwenga wamuamba, "Bwana, hufundze kuvoya Mlungu, dza Johana vyofundza anafundzie."**

**1 Timothi 2:1-4 Mwandzo kabisa nakuambirani voyerani chila mutu. M'voyeni Mlungu ateryе na kuajaliya atu osi, piya mumshukuru kpwa sababu yao. 2 Avoyereni atawala na anjina osi ario na mamlaka, ili huphahe kuishi kpwa utulivu na amani wakati hunadzilavya kpwa Mlungu na kukala bila lawama. 3 Mambo dza higa ni manono na ganamhamira Mlungu, Muokoli wehu, 4 ambaye analonda atu osi aokolwe na aphahe kumanya ukpweli.**

**Luka 22:31 Alafu Jesu wagomba na Simoni Petero achimuamba, "Simoni, sikiza! Shetani wavoya ruhusa Mlungu akujaribuni, kuatenga aaminifu na asio aminifu, dza viratu mkurima aphehavyo nganu kutuluza makoya.**

**Zakariya 3:1,2 - Jude 1:9 Siku mwenga Mikaeli, malaika mkipwulu, wakala anaheha na Shetani kuhusu ni ani ndiyehala mwiri wa Musa. Dzagbwe Mikaeli ni mkipwulu wa malaika osi, kayalaphiza wala kuhukumu Shetani, ela waamba, "Mlungu mwenye andakudemurira!"**

**AEfeso 6:12 Mana tahuheha na anadamu. Ela hunaheha na pepho a nguvu, atawalao na uwezo himu dunia ya jiza, na majeshi ga pepho ayi ario dzulu.**

**AEfeso 6:10,11 Chimarigizo, nalonda uwezo mkipwulu wa Bwana Jesu ukutiyeni nguvu. 11 Vwalani silaha zosi za viha mhewazo ni Mlungu, ili mdzirinde na mipango mibaya ya Shetani ambayo ni ya chiwerevu.**

**AEfeso 6:13-17 Kpwa hivyo halani silaha zosi za viha mhewazo ni Mlungu, ili hata viha vichichacha msishindwe, na mwisho viha vichisira, mdine. 14 Phahi dzimanyirireni kpwa kulunga ukpweli wa Mlungu. Hinyo ukpweli undakala dza mkanda uvwalwao ni asikari. Maisha genu ga kulunga haki nagakurinden i dza chisibao cha chuma. 15 Na habari ndzuri kuhusu Jesu zirehazo amani zindakala dza virahu, ili muimeto. 16 Phamwenga na hivyo vyosi, gbwirirani imani dza ngao. Nayo indazuwiya mivi ya moho itsuphiwayo ni Shetani. 17 Phokerani wokofu ukale dza kofiya ya chuma. Tsona gbwirirani neno ra Mlungu rikale dza fumo rilaviwaro ni Roho wa Mlungu.**

**AEbrania 4:12 Mana ujumbe wa Mlungu u moyo na una nguvu sana. Tsona ni dza upanga urio na maso pande zosi mbiri, unaodunga kahi za mioyo na**

**maroho gehu na kuganya vilungo vya mwiri na mafuha ga mifuphani. Piya ujumbe wa Mlungu unaweza kumanya maazo na nia za miyo yehu.**

**Luka 4:8 Jesu achimuamba, "Yaandikpwa, 'Muabudu Bwana Mlunguo bahi na umhumikire iye macheye.' "**

**AEfeso 6:18 Phahi enehu, voyani wakati wosi vira Roho wa Mlungu ndivyokulongozani. M'voyeni Mlungu akusaidiyeni kpwa mambo gosi. Chisha dinisani msikate tamaa wala msiriche kuvoya Mlungu na kuavoyerata a Mlungu.**

**1 Samueli 17:45-47 - Daudi & Goliath**

**Luka 10:17-20 Badaye, hara afuasi sabini na airi auya kpwa Jesu na raha, achimuamba, "Bwana, hata pepho atuluka huriphozidemurira kpwa dzinaro!" 18 Jesu achiaambira, "Námuona Shetani anagbwa kula mlunguni dza limeme. 19 Sikizani! Nákuphani uwezo wa kuvyoga nyoka na visuse, na uwezo wa kushinda nguvu za adui Shetani. Takuna chochosi ndichokulumizani. 20 Lakini, msihererwe kpwa kukala mwatuluza pepho, ela hererwani kpwa kukala mkakubaliwa ni Mlungu kukala atue milele."**

**2 AKorintho 10:3-5 Hata dzagbwe hunaishi hiphia duniani, tahupigana viha dza vira atu a chidunia anavyopigana. 4 Silaha zehu sizo dza za himu duniani, ela zina nguvu kula kpwa Mlungu za kuweza kuvundza ngome za Shetani. 5 Hukubananga maazo ga handzo na chila aina ya chikpwazo chinachohendesa atu asimmanye Mlungu. Tsona hukuchunguza kpwa undani chila wazo rehu ili humuogophe Jesu katika maazo gehu gosi.**

**2 Timothi 1:7 Mana Mlungu wahupha roho wa kuhuhenda hukale na nguvu, kumendzana na kudzikanya, lakini kayahupha roho wa kuhuhenda hukale aoga.**

**Mathayo 12:28,29 Lakini kpwa kukala ninatuluza pepho kpwa uwezo wa Roho wa Mlungu, phahi manyani kukala mtawala wa ufalume wa Mlungu akedza kpweni. 29 Hebu, mutu anawezadze kuinjira nyumba ya mutu wa mkipwotse ili amfute malize, bila ya kumfunga mikowa kpwandza? Mana hiphia ndipho ndophaha nafwasi ya kumfuta malize.**

**AEfeso 1:13 Mwimwi ambao simwi Ayahudi mwasikira maneno ga kpweli, yani habari ndzuri kuhusu Jesu, ambazo zakureherani wokofu. Mwamkuluphira Mlungu, naye wakutiyani mola wa Rohowe ariyehulaga kuonyesa kukala mu akpwe.**

**Mahendo 19:6 Alafu Paulo ariphoabandikira mikono, Roho wa Mlungu wainjira mwao miyoni. Agomba kpwa luga zanjina na achitangaza maneno ga Mlungu.**

**Mariko 16:15-18 Ndipho achiaambira, "Phiyani chila phahali duniani mkatangaze habari ndzuri kunihusu kpwa chila mutu. 16 Yeyesi ndiyekuluphira na kubatizwa andaokolwa, naye asiyeamini**

**andahukumiwa. 17 Na Mluntu andaapha hara anikuluphirao uwezo wa kuhenda dalili hizi. Andatuluza pepho kpwa uwezo wangu na andagomba kpwa luga ambazo taazimanya. 18 Andagbwira nyoka na mikono yao, na hata achinwa chochosi chiricho na sumu kali tachindaazuru. Piya andabandikira mikono akongo, nao andaphola."**

**1 Johana 1:9 Ela huchikubali na kumuambira Mluntu kala huna dambi, phahi kpwa vira ni muaminifu na wa haki, andahusamehe na kuuhusira uyi wehu wosi.**

**Zaburi 109:17 - Jakobo 3:10 Mromo uho hinyo m mwenga, nkujaliya na ukalani. Enehu, higa ni mambo mai sana!**

**Hukumu 16:16 - 2 Petero 2:7/8 Lakini Lutu kala achiishi phamwenga na atu hinyo ayi, na iye kala ni mutu mnono mbere za Mluntu. Chila siku, Lutu kala achiona na kusikira mambo ga waibu, na moyowe kala unaphya sababu ya mambo mai ambago kala ganahendwa. Kpwa hivyo, wakati hinyo Mluntu anaocha midzi hiyo, wamtivya Lutu ariyekala wa haki.**

**AEfeso 4:26 Mchitsukirwa, msihende dambi. Msikale na tsukizi duwa dii, ARumi 14:12 Kpwa hivyo, chila m mwenga andalavya isabu ya mahendoge mwenye mbere za Mluntu.**

**1 Johana 2:23 Mutu achimkahala Mwana, piya anamkahala Baba. Na mutu achimkubali Mwana, piya anamkubali Baba.**

**Johana 14:6 Achiambwa, "Mimi ndimi njira, kpwelni na uzima. Takuna mutu awezaye kufika kpwa Baba isiphokala atsupire kpwangu.**

**Mathayo 11:28-30 Ndzoni kpwangu mwimwi mosi mgayao na kuremererwa ni mizigo mizihi, nami n'ndakuoyezani. 29 Gbwirani mizigo wangu na mdzifundze kula kpwangu; mana mimi ni mpole na wa mbazi, namwi roho zenu zindaoya. 30 Mana mafundzo gangu ga rahisi, na mizigo wangu tauremera."**

**2 AKorintho 6:2 Kpwa mana Mluntu anaamba, "Wakati uriofwha, nákusikiza, na siku ya kuokoka nchikuterya." Phahi, uhu ndio wakati unaofwha, na rero ndiyo siku ya kuokoka!**

**ARumi 10:13 Higa ganagbwa sawa na Maandiko gaambago, "Mutu yeyesi ndiyemririra Mluntu andaokolwa."**

**Exodus 20:5 - sin cursed to 3 & 4 generations**